



## BASES DO IX CONCURSO DE DISFRACES E COMPARSAS 2020

### PRIMEIRA

A Concellería de Cultura, Deportes e Educación do Concello de Begonte, organiza o IX Concurso de disfraces e comparsas 2020, co obxectivo de consolidar o Entroido como unha festa de tradición popular, potenciando a participación da cidadanía tanto do núcleo urbano como do rural dunha forma activa e divertida, que terá lugar o vindeiro sábado, 29 de febreiro de 2020 no Pavillón Municipal de Baamonde.

### SEGUNDA. - Participantes

Poderán presentarse ó concurso tódalas persoas, agrupacións ou asociacións que o desexen, que previamente efectuarán a súa inscrición ata o mércores, 26 de febreiro de 2020 ás 14.00h.

### TERCEIRA.- Modalidades

As modalidades para inscribirse no concurso atendendo ó número de participantes son:

INDIVIDUAL. - Inclúense nesta modalidade, os disfraces formados por 1 ou 2 participantes.

COMPARSAS.-Estarán encadradas nesta modalidade os grupos formados por 5 ou máis participantes, gardando coherencia e uniformidade os disfraces entre si.

No desfile só se poderá participar nunha modalidade co mesmo disface, no caso de incumprimento quedará descalificado.

### CUARTA.- Inscricións

As bases e o formulario para realizar a inscrición están dispoñibles na web en <http://www.concellodebegonte.es/gl/actualidade>, no Taboleiro de anuncios do Concello de Begonte e no Taboleiro de anuncios da [sede electrónica do Concello de Begonte](#).

Duas opcións de presentación de inscricións:

1. Presencialmente nas oficinas municipais no Rexistro Xeral do Concello de Begonte cubrindo o **Anexo I Inscrición**.
2. Electrónicamente en <https://begonte.sedelectronica.es/dossier.1>, ticando en [Procesamento electrónico \(tramitación electrónica\)](#) da opción **Inscrición concurso de disfraces e comparsas**, descargándose o Anexo I Inscrición, cubriro e achegar (subir) o documento a solicitude.

Para a presentación das solicitudes electronicamente poderá empregarse calquera dos mecanismos de identificación e sinatura admitidos pola sede electrónica do Concello de Begonte, incluído o sistema de usuario e clave ([http://clave.gob.es/clave\\_Home/registro.html](http://clave.gob.es/clave_Home/registro.html)).

O prazo improrrogable de inscrición rematará o mércores, 26 de febreiro de 2020 ás 14:00h.

A orde de desfile levarase a cabo por rigorosa orde de rexistro da inscrición e farase pública, por modalidade, na web do Concello o venres 28 de febreiro de 2020.



### **QUINTA.- Requisitos**

Tódalas modalidades deberán nomear a un representante legal maior de idade, para realizar tódolos trámites. No caso de participantes menores de idade, o representante legal será responsable, en todo momento, do menor durante o concurso.

Aquelas comparsas que traian estruturas ríxidas non desmontables, deberán comprobar que as súas dimensións se adecúan ós 195 cm de alto e 215 cm de ancho, que permiten o acceso ó pavillón.

As comparsas que desexen que a organización lles poña a música durante o desfile deberán enviar o arquivo da música, que terá unha duración máxima de 3 minutos, en formato mp3 xunto coa inscrición ou ben remitila antes do 26 de febreiro ás 14.00h á seguinte dirección de correo: [inscricions@concellodebegonte.es](mailto:inscricions@concellodebegonte.es)

Non está permitido empregar no interior do Pavillón ningún tipo de artefacto pirotécnico (bengalas, nitróxeno, petardos,.....), así como obxectos cortantes ou líquidos.

### **SEXTA.- Mecánica do concurso**

O concurso terá lugar o sábado, 29 de febreiro de 2020 no Pavillón Municipal de Baamonde.

Os participantes no desfile poderán acceder ó interior do Pavillón de Baamonde entre as 15.30 e as 16.40h para recoller un distintivo co número e prepararse para o desfile. Este distintivo, identificará a cada participante ou grupo, ademais de indicar a orde para desfilar e por tanto, será obrigatorio levalo nun lugar visible durante todo o desfile.

A organización resérvase o dereito de entrada ó Pavillón daquelas carrozas cuxo desprazamento no interior poida ocasionar danos no pavimento.

Ás 16.50h o xurado fará unha primeira revisión para coñecer a tódolos participantes. Non estar situado no posto asignado no momento da saída poderá ser motivo para a descualificación do concurso.

Ás 17.00h comezará o desfile seguindo a orde de rexistro de inscrición por modalidade:

1º: MODALIDADE INDIVIDUAL. Realizará o percorrido que lle indique a organización e a música que utilizará será a proporcionada pola organización, en ningún caso poderá levar música propia.

2º: MODALIDADE COMPARSAS. Para esta modalidade, o tempo de actuación non poderá exceder de 3 minutos.

Unha vez finalizado o desfile e trala deliberación do xurado, farase público o resultado no acto de entrega de premios, no Pavillón Municipal de Baamonde.

### **SÉTIMA- Xurado**

O xurado estará formado por 3 persoas de diferentes ámbitos, propostas pola Concellería de Cultura, Deportes e Educación e como secretario/a, un representante do Concello, con voz e sen voto, que certificará o cumprimento das bases.



O xurado á hora de valorar, terá en conta os seguintes criterios por modalidade:

**MODALIDADE INDIVIDUAL**

- Confección dos traxes e complexidade (de 1 a 5 puntos). Os disfraces mercados serán penalizados.
- Orixinalidade e creatividade dos disfraces (de 1 a 5 puntos).
- Maquillaxe (de 1 a 3 puntos).

**MODALIDADE COMPARSAS**

- Confección dos traxes e complexidade das carrozas (de 1 a 5 puntos). Os disfraces mercados serán penalizados.
- Orixinalidade e creatividade dos disfraces e carrozas (de 1 a 5 puntos).
- Número de participantes e a súa composición interxeracional (de 1 a 5 puntos).
- Maquillaxe (de 1 a 3 puntos).
- Posta en escena (de 1 a 2 puntos). Aquelas actuacións que excedan dos 3 minutos, serán penalizadas.

Daranse por nulos, os concursantes que repitan disfraces de anos anteriores.

O fallo do xurado será inapelable.

**OITAVA.- Premios**

Para este concurso establécense os seguintes premios:

	<b>INDIVIDUAL</b>	<b>COMPARSAS</b>
<b>1º PREMIO</b>	100€	500€
<b>2º PREMIO</b>	80 €	300€
<b>3º PREMIO</b>	60 €	200€
<b>4º PREMIO</b>	50 €	100€
<b>5º PREMIO</b>	40€	80€

Os premios especiais para as comparsas e disfraces pertencentes ó Concello de Begonte sempre que non coincidan premiadas no concurso xeral son os seguintes:

	<b>PREMIOS ESPECIAIS CONCELLO DE BEGONTE</b>	
	<b>INDIVIDUAL</b>	<b>COMPARSAS</b>
<b>1º PREMIO</b>	100€	200€
<b>2º PREMIO</b>	55 €	110€
<b>3º PREMIO</b>	50 €	100€

O Xurado poderá conceder algún accésit ou declarar deserto algún dos premios.



Os aboamentos dos premios serán tramitados polo Concello de Begonte a través dunha transferencia bancaria.

Os participantes que resulten gañadores recollerán nese intre un vale do premio.

Para poder realizar a transferencia do premio o solicitante, representante legal do menor/da comparsa (agrupación non formal) ou asociación deberá presentar, antes do venres 13 de marzo, no rexistro das oficinas do Concello ou pola sede electrónica (Instancia Xeral) a seguinte documentación:

- copia do DNI ou CIF, no seu caso.
- Certificación do número da conta.

Os premios outorgaranse a cargo da aplicación orzamentaria 334.226 do Presuposto Municipal do exercicio 2020.

A resolución de concesión dos premios realizarase mediante Decreto de Alcaldía.

Os premios estarán suxeitos á retención do IRPF de acordo coa lexislación vixente.

#### **NOVENA- Autorización do dereito de uso da imaxe e datos**

En cumprimento ó disposto pola Lei orgánica 03/2018 de protección de datos de carácter persoal, o Concello de Begonte informa de que os datos persoais que se solicitan nestas bases serán incorporados a un ficheiro, do que é responsable o Concello de Begonte, coa única finalidade de levar a cabo as actuacións administrativas que, de ser o caso, se deriven da súa solicitude ou para realizar comunicacións do seu interese para os efectos informativos.

Tódolos participantes polo feito de inscribirse, autorizan ó Concello de Begonte a realizar e utilizar as fotografías e vídeos tomados no transcurso do Concurso e facer uso de ditas imaxes de xeito respectuoso e responsable nas súas respectivas tarefas de información e difusión.

Se o desexa, pode acceder ós datos facilitados, así como solicitar, se é o caso, a rectificación, oposición ou cancelación, nos termos establecidos na lei indicada, comunicándollo a este Concello.

#### **DÉCIMA.- Aceptación das bases**

Os participantes, polo mero feito de participar no concurso, aceptan as presentes bases.



# CONCELLO DE BEGONTE

Praza Irmáns Souto Montenegro nº1  
27373 Begonte  
Tfno. 982 396 143 /Fax: 982 396 027  
Email: info@concellodebegonte.es

ANEXO I INSCRIPCIÓN CONCURSO DE DISFRACES E COMPARSAS				Nº REX:	
<b>DATOS DO SOLICITANTE OU REPRESENTANTE LEGAL DO MENOR OU DA COMPARSA ( agrupación non formal)</b>					
Apelidos		Nome		DNI	
Enderezo				Concello	
Provincia	Código postal	Móbil	Correo electrónico		
<b>DATOS DA ASOCIACIÓN</b>					
Nome da entidade				CIF	
Enderezo				Concello	
Nome e apelidos do representante			DNI		
Cargo do representante			Correo electrónico		
<b>INDIQUE A MODALIDADE NA QUE SOLICITA INSCRIBIRSE</b>					
<input type="checkbox"/> INDIVIDUAL (1 ou 2 participantes)					
NOME DO DISFRACE: .....					
Nº NENOS 1		2		Nº ADULTOS 1 2	
<input type="checkbox"/> COMPARSAS (5 ou máis participantes)					
NOME DA COMPARSA:.....					
Nº DE PARTICIPANTES ADULTOS: ..... Nº DE PARTICIPANTES NENOS: .....					
ADXUNTO ARQUIVO DE MÚSICA EN MP3		SI		NO	
LEVO ESTRUTURAS RÍXIDAS		NO			
SI INDIQUE: ALTURA ..... M e ANCHO.....M					
<b>A PERSOA SOLICITANTE OU REPRESENTANTE COA SINATURA DESTA SOLICITUDE</b>					
Declaro que lin e acepto as bases do Concurso de disfraces e comparsas 2020. Autorizo a participar ó/s menor/es no concurso do Entroido do Concello de Begonte 2020 . Declaro a veracidade dos datos que figuran neste anexo e autoriza ó Concello de Begonte a solicitar ou verificar os datos que estime oportunos en relación á solicitude presentada. Autorizo ó Concello de Begonte a realizar notificacións do Concurso de Entroido a través de SMS e do e-mail. Autorizo, a utilizar as fotografías e vídeos tomados no transcurso da participación do Entroido e facer uso de ditas imaxes de xeito respectuoso e responsable. Fun informado de que esta Entidade vai tratar e gardar os datos achegados na instancia e na documentación que a acompaña para a realización de actuacións administrativas. PRESTA O SEU CONSENTIMENTO para que a entidade realice consultas dos datos do solicitante/representante a través da Plataforma de Intermediación de Datos e outros servizos interoperables.					
En a de de 20 .					
Sinatura do solicitante					